



高麗史九 世家卷第九 文宗三 順宗

来源: 投稿人: 发布时间: 2008-6-20 阅读次数: **2**

世家卷第九。高麗史九。正憲大夫工曹判書集賢殿大提學知 經筵春秋館事兼成均大司成臣鄭麟趾奉 教修。文宗三。○(壬子)二十六年春二月辛亥朔詔禮部重定禮服制度。丁巳幸興王寺。丙寅以兵部侍郎文正爲西北面兵馬副使；戶部侍郎閔昌壽爲東北面兵馬副使。壬申東女真 豆漢等二十五人來投。甲戌特設燃燈會於重光殿。三月癸巳以金德符爲尚書右僕射；李聰顯爲禮部尚書；金陽爲工部尚書。甲午幸真觀寺。庚子御文德殿覆試賜朴維格等及第。夏四月甲子大雨雹。己巳中書侍郎平章事異惟忠卒。五月丙申西女真歸德將軍 舍乃等來獻土物。六月庚戌宋遣醫官王愉徐來。甲戌金梯還自宋帝附 五道其一曰；"卿繼奕世而有邦以勤王爲可願百名修賢既申探賢之儀累幅 辭更致寒之問其勤至矣何慰如之。"其二曰；"卿世綏三韓雄視諸部而能謹事大之節堅面內之誠乃心朝廷發* {籍}寐有嘉侯庶克紹先猷省閩以還褒嘆良至。"其三曰；"忠孝之純雖遠而應往來之尚無德不酬載嘉述職之勤宜有解衣之錫今人使金梯 賜國信物色別賜衣帶錦綺等具如別幅至可領也。"其四曰；"人使金梯至省所進奉；御衣二領黃 衫一領銷金紅羅複紅 服假一領銷金紅羅 複共用銀釵鍍裝烏漆箱盛金銀鏡 封全紅梅花羅 外 ；金腰帶一條重四十四兩紅羅繡 袋銀釵鍍重八十兩紅羅繡 複封全紅梅花羅 外 ；金束帶一條重三十兩紅羅繡 袋銀釵鍍重六十兩紅羅繡 複封全紅梅花羅 外 ；金合二副共重六十兩各副盛 勒帛二條 袋子二枚銷金紅梅花羅 複封全共用紅梅花羅 外 ；金盤蓋二副共重四十兩紅梅花羅 複封全共用紅梅花羅 外 ；金注子一副重六十五兩紅梅花羅 複封全紅梅花羅 複封全紅梅花羅 外 ；紅 倚背六隻紅梅花羅 複黃 倚背四隻紅梅花羅 複紅 褥六隻紅梅花羅 複黃 褥四隻紅梅花羅 複共用銀裝裝烏漆箱二副盛銀 封全紅梅花羅 外 ；細弓四張共用紅梅花羅 袋盛嗒子箭二十四隻細鐵箭八十隻金銀裝裝 器仗二副紅錦 袋封全白銀裝黑皮器仗一副紅錦 袋封全金銀裝裝白皮器仗一副紅錦 袋封全共用紅梅花羅 外 ；銀裝長刀二十隻銀釵鍍裝烏漆 綵條全白錦外袋十箇封全青錦外袋十箇封全共用紅梅花羅 外 ；細馬四匹鞍二副金銀釵橋瓦 具 大小 *器紅羅鞍褥等全紅羅繡 外 鞍二副銀釵鍍橋瓦 具黑皮大 紅羅小 紅羅鞍褥等全紅羅繡 外 ；香油二十缸；松子二千二百斤；人參一千斤；生中布二千匹；生平布二千匹事具悉。卿世撫遼東寬冠帶禮義之國心存闕下希文物聲明之風爰遣使人遐將真 承考惟孝事大則忠發於至誠軼是雙美覽閱之際嘉嘆良多今使回賜卿銀器等具如別幅至可領也。"其五曰；"省人使金梯奏；'於普炤王寺等處納附銀設齋祝聖壽事。'箕子啓封肇於遼左僧伽演教迫在泗濱會使指之來斯致齋修而勤其載披善益炤端誠。"帝以本國向文每賜書詔必選詞臣着撰而擇其善者所遣使者其書狀官必召赴中書試以文乃遣之。秋七月癸巳以翰林學士國子祭酒鄭惟產知西北面秋冬番兵馬事；兵部侍郎李碩爲東北面秋冬番兵馬副使。丙午校尉巨身謀逆伏誅。閏月甲寅以崔有孚判尚書刑部事。九月甲子東女真霜昆等來獻駿馬。冬十一月丙午朔遼遣永州刺史耶律直來行三年一次聘禮。十二月乙亥朔遼遣檢校太尉張日華來賀生辰。庚寅東女真沙於賀等來獻土物。戊戌以李徵望爲兵部尚書。○(癸丑)二十七年春正月乙巳朔放朝賀。地震。戊辰王如普濟寺。二月乙亥朔命有司作亭于平理驛以爲行幸駐 之所。戊寅以鄭惟產攝刑部尚書；盧寅爲殿中監；柳洪爲兵部侍郎中樞院知奏事。甲申幸興王寺。乙未東女真歸順州都領大常古刀化副都領古舍益昌州都領歸德將軍高舍都領黔夫氐城州都領奉國將軍耶好歸德將軍吳沙弗恭州都領奉國將軍多老番長巴訶弗恩服州都領元甫阿忽都領那居首溫州都領三彬阿老大誠州都領尼多弗等率衆內附乞爲郡縣賜；古刀化名孫保塞高舍名張誓垣各授懷化大將軍；耶好名邊最多老名劉成賓各授奉國大將軍；吳沙弗名魏蕃授懷化將軍；阿忽名揚東茂授歸德將軍；古舍名文格民黔夫名康績巴阿弗名盧守那居首名張帶垣三彬名韓方鎮阿老大名高從化尼多弗名趙長衡各授大常。仍賜物有差。城州都領奉國大將軍蘇德等十四人來獻名馬。丁酉王如奉恩寺特設燃燈會慶讚新造佛像街衢點燈兩夜各三萬盞重光殿及百司各置綵樓燈山作樂戊戌御殿觀燈置酒太子及宰樞臺省侍臣知制誥侍宴夜分乃罷。三月己酉設般若經道場於會慶殿五日以禳 變。丁巳幸開國寺。丁卯幸弘化寺遂如玄化寺置酒蓬萊亭夜分乃還。夏四月甲戌朔日食。丙子制曰；"東北邊十五州外蕃人相繼歸附願置郡縣于今不絕此實賴宗廟社稷之靈其令宰臣先告事由待遠近畢納款拓定州縣而後親行恭謝其行禮及太子攝事之儀有司詳議以聞。"壬辰幸龜山寺遂置酒于龜臺太子諸王宰樞侍宴夜半乃還。丁酉幸外帝釋院。五月丁未西北面兵馬使奏；"西女真酋長曼豆弗等諸蕃請依東蕃例分置州郡永爲藩翰不敢與契丹蕃人交通。"制；"許來朝因命後有投化者可招諭而來。"又奏；"平虜鎮近境蕃胡柔遠將軍骨於夫及覓害村要結等告云；'我曾居伊齊村爲契丹大完[職名]邇者再蒙招諭於己酉年十一月赴朝厚承恩賞且受官職不勝感戴願所居去此四百里往復爲難請與狄耶好等五戶引契丹化內蕃人內徙覓害村附籍永爲藩屏。'於是檢得戶三十五口二百五十二請載版圖。蕃胡又言；'三山村谷海邊分居蕃賊殺掠往來人物爲我仇 今欲報 告諭化內三山村中尹夜西老等三十徒酋長[東蕃黑水人其種三十號曰三十徒。]亦皆響應各率蕃軍方將進討請遣鄉人觀戰。'於是遣定州郎將文選及將校譯語等著蕃服而復其村都領霜昆下蕃軍同發文選等馳報；'骨面等村都領各將兵到三山阿方浦探候賊穴凡三所一爲戰村一爲海邊山頭一爲羅竭村賊一百五十戶築石城於川邊置老小男夫財產於城中以步騎五百餘人逆戰我蕃軍大呼急擊破衆大潰斬二百二十級餘衆走保其城我蕃軍乘勝追擊攻城縱火生擒三百三十二人在城拒戰者皆燒死又進攻由戰村場適有大雨糧少引還居數日文選等復與蕃兵二千三十人進屯由戰村石城下賊閉城固守以城險竟不得攻糧盡引還。"羅竭村之役都領大完多於皆阿半尼等蕃軍將六百八十餘人力戰破賊文選等十五人監戰有功請行恩賞以示勸懲。"門下侍中崔惟善等十三人議奏；"三山村賊本非犯邊之寇也今蕃軍等不因朝旨專仗 威以報私 請勿行賞。"從之。己酉醮百神於極庭禳 變。庚午王如玄化寺。六月甲戌王如奉恩寺。戊寅東北面兵馬使奏；"三山大蘭支樞等九村及所乙浦村蕃長鹽漢小支樞前里蕃長阿反伊大支樞與羅其那烏安撫夷州骨阿伊蕃長所隱豆等一千二百三十八戶來請附藉自大支樞至小支樞 應浦海邊長城凡七百里今諸蕃絡繹歸順不可遮設關防宜令有司奏定州號且賜土記。"從之。己卯西京將軍柳涉防守鴨綠兵有契丹人來投其追捕者越入長城逼靜州沙不能守棄。制；令免官。乙未東路兵馬使奏；"東蕃大齊者古河舍等十二村蕃長昆豆魁拔等一千九百七十戶請依霜昆內附又豆龍骨伊餘波漢等部落蕃長阿老漢等亦願爲州縣此處遼遠在古未嘗朝覲今皆歸服若定封疆設關防則餘波漢嶺外遮遮古大史伊稱見昆俊丹後無乙比化豆等壤地無際蕃戶連居不可窮塞設險請待領外諸蕃盡爲州縣然後漸至遠蕃。"許之。丙申兵馬使奏；"東蕃海賊遼東京轄下波濟部曲奪掠民口元興鎮都部署軍將率戰艦數十 出椒島與戰斬十二級奪 六人。"王喜賜知兵馬事 書監李成美領軍都部署將軍廉漢等銀樂合各一事其餘有功將吏職賞有差。庚子祈晴于川上。秋七月壬寅朔有司言；"東北面兵馬使所奏；'支樞村那發村 臥立村大信村西好村無主其村等部落蕃長請貢方物名馬。'"制從之。丙午制曰；"黑水譯語加西老論東蕃爲州縣可授監門衛散員賜名高孟。"東南海都部署奏；"日本國人王則貞松永年等四十二人來請進螺鈿鞍橋刀鏡匣佩箱筒書案 屏香爐弓箭水銀螺甲等物壹 畵弓當官遺藤并安國等三十三人亦請獻方物東宮及諸令公府。"制；"許由海道至京。"八月丁丑太白晝見。丁亥遣太僕卿金良鑑中書舍人盧旦如宋謝恩兼獻方物宋醫王愉徐先等還。九月甲辰翰林院奏；"東女真大蘭等十一村內附者請爲濱利福恒舒漢 戴敬付宛十一州各賜土記仍隸歸順州。"從之。戊辰設消道場于會慶殿五日。冬十月壬午朔平壤侯綵棚樂部供張甚盛王率宮嬪太子諸王潛幸觀禮。十一月辛亥設八閭會御神鳳樓觀樂翼日大會大宋黑水耽羅日本等諸國人各獻禮物名馬。十二月庚午朔遼遣寧州刺史大澤來賀生辰。丙申以鄭惟產爲禮部尚書；崔惟吉爲戶部尚書；閔昌壽爲刑部尚書。○(甲寅)二十八年二月庚午日本國船頭重利等三十九人來獻土物。甲午冊封長女爲公主。夏四月戊辰朔以旱徙市。甲戌大雨百官表賀。乙酉設百高座於內殿講仁王經三日。甲午命太子覆試賜李 等及第。六月癸酉東女真懷化將軍祖仰仁等來獻馬。丙子宋楊州醫助教馬世安等八人*(來)。秋七月己亥以李徵望爲尚書右僕射；金若珍爲左散騎常侍；盧旦爲尚書禮部侍郎右諫議大夫。庚子設文豆婁道場於東京四天王寺。八月壬申東女真歸德將軍所羅等二十八人來獻名馬賜物有差。辛卯以李 權西京留守使。九月丙申錄文昌侯崔致遠五代孫善爲都染署史。乙卯西女真歸德將軍古守十人來獻馬。冬十二月甲子朔遼遣崇祿卿賈詠來賀生辰。○(乙卯)二十九年春正月甲午朔放朝賀。壬寅門下侍中崔惟善卒。丙午以李徵望爲尚書左僕射判兵曹事；鄭惟產 知政事監修國史；柳洪爲中樞副使。三月己未以鄭惟產爲太子少師；崔惟吉爲太子賓客。夏四月丙寅遣刑部侍郎崔奭如遼賀天安節；殿中內給事全咸正賀坤寧節；都官員外郎趙惟阜賀正；殿中侍御史許忠進方物。丙戌以旱放諸處土木役夫。閏月丙申日本商人大江等十八人來獻土物。五月辛酉朔太史奏；"自春至夏亢陽不雨恐傷稼穡請禱于丘陵川瀆。"制可。乙酉宋商王舜滿等三十九人來獻土物。六月壬子日本人朝元時經等十二人來獻土物。丙辰宋商林寧等三十五人來獻土物。秋七月乙丑遼東京兵馬都部署張成改咸雍十一年爲*大康[太康]元年。庚午日本商五十九人來。癸酉遼東京兵馬都部署奉樞密院事 子移牒請治鴨江以東疆域。己卯遣知中樞院事柳洪向書右丞李唐鑑同都使審定地方成未定而還。庚辰以李 爲中書侍郎同中書門下平章事上柱國；鄭惟產爲吏部尚書；金若珍爲戶部尚書 知政事樞判三司事兼太子少保；文正爲刑部尚書知中樞院事；金梯爲禮賓卿同知中樞院事；崔惟吉爲尚書右僕射；李靖恭爲禮部尚書太子賓客；洪德成爲秘書監左諫議大夫兼太子少詹事。八月庚寅朔日食。甲寅以盧旦爲翰林學士；方吳桂爲戶部尚書；曹爲一攝工部尚書。冬十月丙申慧見於軫星長七尺餘。十一月乙亥遼遣樞密使益州管内觀察使耶律甫來。十二月戊子朔遼遣太傅武達來賀生辰。丁未以李 判西北面兵馬事；金若珍判東北面兵馬事；崔惟吉金陽爲尚書左右僕射；柳得韶爲工部尚書判司天太史局事；盧寅金良鑑爲左散騎常侍；崔奭爲殿中監知御史臺事；慎愷盧師象 爲侍御史；金上琦陳潛古爲左右補闕；李駿爲左拾遺；黃師 洪奭 爲殿中侍御史。○(丙辰)三十年春正月戊辰東女真歸德將軍張向等十九人來獻駿馬。己巳以儲元賓爲右拾遺。甲戌東女真歸德將軍開老等十人來獻名馬。二月丁亥朔日食。庚戌東女真可封等二十人來獻土物。三月壬申御文德殿覆試賜李昱等及第。夏四月丁未遼遣永州管内觀察使蕭惟康來告皇太后喪詔曰；"昊天不 大行皇太后上僊慈顏永訣 質晴依攀戀所深悲號無措脚* 封王社作翰皇家聞報訃音諒增哀愍。"己酉王素 率百官出闕門前迎詔舉哀。遣戶部尚書王錫刑部侍郎李子威如遼奉慰會葬。六月己亥王受菩薩戒于內殿。秋八月丁亥遣工部侍郎崔思諒如宋謝恩兼獻方物。庚戌有司奏；"北朝

上表行在賀朔王特 詔* 之。 甲申還京制。 "加所過山川神號侍從臣僚亦加職賞其餘吏卒賜物有差。" 丙戌日本國對馬島遣使獻方物。 十二月丁未朔遣永州管內觀察使李可遂來賀生辰。 丁巳中書侍郎平章事金若珍卒輟朝三日。 ○(癸亥)三十七年春正月丁丑朔放朝賀。 丁亥饗老人於毬庭賜物有差。 戊子以李靖恭崔爽 為中書侍郎同中書門下平章事；金良鑑王錫為左右僕射。 二月丁未朔賜群臣祿牌。 辛未東女真歸德將軍姚彬寧遠將軍方鎮等來獻馬各賜職賞。 三月丁丑賜陰鼎等及第。 己丑命太子迎宋朝大藏經置于開國寺仍設道場。 辛卯幸開國寺。 夏四月乙丑王子 卒。 癸酉制曰： "自春而夏農事方興霜雹為災言念獄囚慮有寃滯內外罪囚宜從寬典凡內外土木之役悉令停罷。" 五月丙子王不豫。 癸卯太白晝見。 六月丁卯禱雨于宗廟社稷。 秋七月癸丑百官設華嚴經道場于興國寺五日以祈風雨調順。 辛酉王疾篤遣詔曰： "朕以 躬纘守祖業天命有數寢疾彌留罔予不祐已及大期一日萬機不可乍曠今以軍國政事一以委太子動用傳寶位卿等宜體懇言勉盡忠孝。" 遂薨于重光殿殯于宣德殿之西壽六十五在位三十七年王幼聰哲及長好學善射志略宏遠寬仁容眾凡所聽斷不復遺忘謚曰仁孝廟號文宗葬于佛日寺南麓陵曰景陵仁宗十八年加謚剛正高宗四十年加明戴。 ○李齊賢贊曰： "顯德靖文父作子述兄終弟及首尾幾八十年可謂盛矣而文宗躬勤節儉進用賢才愛民恤刑崇學敬老名器不假於匪人威權不移於近 雖戚里之親無功不賞左右之愛有罪必罰宦官給使不過十數輩內侍必選有功能者充之亦不過二十餘人冗官省而事簡費用節而國富大倉之粟陳陳相因家給人足時號*太平宋朝每錫褒賞之命遠氏歲講慶壽之禮東倭浮海而獻琛北貊 關而受廩故林完以為我朝賢聖之君也獨其徒一畿縣作一僧寺侈峻宇於宮闕 崇墉於國都黃金為塔百物稱是殆將比擬蕭梁而不知欲成人之美者歎息於斯焉耳。" 順宗。 順宗宣惠大王諱勳字義恭古諱休文宗長子母曰仁睿太后李氏文宗元年十二月己酉生八年二月冊為王太子三十七年七月辛酉文宗薨奉遺詔即位遣左拾遺知制誥吳仁俊如遼告哀八月甲申葬文宗于景陵庚子御神鳳樓赦冬十月癸酉朔設道場于會慶殿三日飯僧三萬。 甲申制： "加王弟運守太師兼中書令食實封一千戶。" 王小有疾居廬哀毀疾益篤。 乙未命母弟國原公運權總國事遣詔曰： "朕比承君父之遺言獲主邦家之重器每思 質謬膺顧托之權樂與群公共講長久之策冀保祖宗之慶永光堂構之功不謂居喪過哀積憂成患經時累朔有加無 爰及冬初遂至大漸念明滅風燈之體寧免幻期而纂承社稷之圖合憑預屬今母弟守太師中書令國原公運多能天縱盛德日 稼穡艱難備明乃事刑政利病悉究于心如其升九五之尊足以安億兆之望可於柩所便即君權凡於國朝賞罰大事一 嗣君處分在外州鎮官員只於本郡舉哀輒不得擅離理所喪服之制以日易月山陵制度務從儉約於戲生也有涯難 者始終大義人誰不沒所傷者脩短異途惟憑一二股肱中外文武同輸忠力輔我親王庶延寶曆之無窮長使環區之有寄即朕之瞑目復何憾哉。" 是日薨于喪次移殯于宣德殿壽三十七謚曰宣惠廟號順宗葬于城南陵曰成陵仁宗十八年加謚英明高宗四十年加靖憲。 ○李齊賢贊曰： "三年之喪自天子達于庶人然其所謂齊衰之服 粥之食顏色之戚哭泣之哀使四方來觀而悅者自 文公之後未之聞也順宗遭文考之喪哀毀成疾四月而逝雖於聖人之制有所過焉其親愛之誠則至矣。" 世家卷第九。